

Н. Н. Сүлейменова, ФЗИ криминологиялық мәселелерді зерттеу бойынша орталығының ғылыми қызметкері, заң ғылымдарының магистрі, полиция капитаны (Қазақстан Республикасы ІІМ Б. Бейсенов атындағы Қарағанды академиясы, Қазақстан Республикасы, Қарағанды қ.)

Елбасы Жолдауы — жарқын істердің бастауы

Аннотация. Мақала Қазақстан Республикасының Президенті Н. Ә. Назарбаевтың «Қазақстан жаңа жаһандық нақты ахуалда: өсім, реформалар, даму» атты Қазақстан халқына Жолдауында қарастырылған мәселелерге арналған.

Түйін сөздер: жолдау, өсім, реформа, даму, мемлекет, патриотизм, тәуелсіздік, міндет, отан.

Елімізде дәстүрге айналған Елбасының Қазақстан халқына жолдауы мемлекетіміздің алдыңғы уақыттарда не істейтіні, елді қалай көркейтеміз деген мәселелерді көтеріп, бағдар берер іс-қимыл жоспары болып табылады. Елбасымыз Н. Ә. Назарбаевтың әр жолдауы Қазақстанды одан әрі дамытуға, өркениетті мемлекетке айналдыруға бағытталған. Соның бірі 2015 жылғы 30 қарашадағы қабылданған Жолдауы «Қазақстан жаңа жаһандық нақты ахуалда: өсім, реформалар, даму» деп аталады.

Жолдау қазіргі әлемдік экономикалық, саяси, рухани дағдарыс жағдайдағы ел тағдырын тығырықтан алып шығуға бағытталған бағдарлама. Болашағымыз дамуы үшін нақты әлеуметтік-саяси бағдарлар айқындалған. Дағдарысқа қарсы басты өсім, реформалар, даму бағытын көрсетіп, еліміздің келешек беталысын айқындап берді [1].

Сонымен қатар күрделі міндеттер мен нақты жоспарлар қамтылған. Алдымен жаңа жаһандық сын қатерлер әлем экономикасының баяулауының байқалуын жалпы елдің экономикалық дамуы саяси қысымды сезінуін әлемнің тұрақсыздана бастағанын, оған қарсы еліміздегі мүмкіндіктер туралы стратегияны алғаш қолданып отырғанымызды, оған қарсы «Нұрлы жол» даму бағдарламасын қабылдағанымызды, бес институттық реформаны жүзеге асыруда «100 нақты қадам» ұлт жоспарының жүзеге асырылуын, қабылданған «Қазақстан — 2050» стратегиясының осы кезге дейін орасан зор нәтижелерге жеткендігін, сонымен қатар жаһандық дағдарысқа қарсы басты стратегиямыз — алдымен экономикалық өсім түрлі реформалар жасалуда екендігін, оның қоғам мен мемлекетті тұрақтандыратындығын жүзеге асыру жолында еңбектенуде екендігімізді, жаңару жолындағы бес бағыт, қаржы жүйесін тұрақтандыру, оны жаһандық ахуалға сәйкестендіру арқылы жұмыс істеуін, инфляцияны төрт пайызға дейін төмендету еліміздің алдағы мақсаттары болып табылады.

Жалпы, мемлекеттің жағдайын жақсарту үшін, ең алдымен, онда өмір сүретін адамдардың әлеуметтік-материалдық мүмкіндігі дұрыс болуы тиіс. Осыны жақсы ескерген Президент биылғы жылы әлеуметтік сала, мемлекеттік қызметкерлердің, мұғалімдер мен дәрігерлердің жалақылары, зейнеткерлердің зейнетақылары, студенттердің шәкіртақыларын өсірді. Сонымен қатар мүгедектік бойынша берілетін әлеуметтік жәрдемақы, асыраушысынан айырылғандарға берілетін жәрдемақы және шәкіртақы көлемі 25 пайызға көтерілді. Бұл әрине, көпшілік үшін қуантарлық жайт. Осының барлығы халықтың болашаққа сеніммен қарап, алаңсыз өмір сүруіне негіз болып отыр. Елбасы қашан да қоғамды және оның басты байлығы — адамның жағдайын бірінші кезекке қойып келеді.

Қазіргі уақытта елімізде индустриялық-инновациялық бағдарламаның екінші бес-жылдығы табысты жүзеге асырылып келеді. Осыған байланысты алдағы кездерде техникалық мамандықтарға сұраныс болатыны анық. Мемлекет басшысы бұл мәселені терең ойластыра келе, экономиканың қозғаушы күші ретінде кәсіпкерлік саласына айрықша мән беруде. Осы жолы да үкімет тарапынан бизнес құрылымдарына қолдау көрсетіп, шағын және орта кәсіпкерліктің дамуына тың серпін беруді міндеттеді. Мемлекет басшысының тікелей бастамасымен қабылданған еліміздегі индустриялық жобалардың жүзеге асуы — аймақта

кәсіпкерлік өрісінің кеңейе түсіп, жаңа жұмыс орындарының ашылуына, өнеркәсіптің жаңа салаларының қалыптасуына зор ықпал етуде [2].

Адам капиталын дамытуға кең ауқымды инвестициялар болатынын, бұл — әлеуметтік саясаттағы мемлекеттің басымдығы екенін айта келе мемлекетіміздің басшысы 2017 жылдан бастап жаңа жоба — «Баршаға арналған тегін кәсіби-техникалық білім» бағдарламасы басталатынын жариялады. Бұл жоба қоғамды жаңа жағдайға бейімдейді, әрі жаппай мамандандыруды қамтиды. Сонымен қатар, қоғамның орта әлеуметтік тобын одан ары қалыптастыруға барынша ықпал ететін болады. Бір сөзбен айтқанда, қазіргі қоғамға екіжақты пайда әкелетін жоба болатыны сөзсіз.

Қарапайым адамдар өмірде өз орындарын тауып, тегін кәсіби білім алады, мемлекеттің қолдауымен өзі және қоғам үшін еңбек етуге мүмкіндіктерін жүзеге асырады.

Ең бастысы егеменді ел болып, етек-жеңімізді жинадық, әл-әуқатымыз жақсарды. Әлем елдері мойындаған мемлекетке айналдық, халықтар достығы мен саяси тұрақтылығы берік ел атандық. Ендігі жол — өсу жолы, алдымызға айқын мақсаттар қойып, болашаққа сеніммен қарау, экономикасы дамыған, жаһандану кезеңінде кез келген қауіп-қатерге төтеп бере алатын, алпауыт мемлекеттердің қатарына ену. «Бірлігі бар ел озады, бірлігі жоқ ел тозады» демекші бүгінгі Қазақстанның жеткен жетістіктері мен алған шыңдары бірліктің арқасы. Сондықтан қазақтың бірлігі — елдігіміздің кілті, ең басты мәселесі. Ел бірлігі — ең асыл қасиет», — деген Елбасы тұжырымы Отанын сүйген әр азаматтың жүрегінен орын алуы керек [3].

Елбасымыз келешектің тірегі, болашақтың тұтқасы болар, елдің басына түскен ауыртпалықтарды мойнына көтеріп, күш-жігерін елінің дамуына жұмсайтын жастарға сенім артып отыр. Өйткені, Президентіміз арнайы жастарға айтқан сөзінде толғана тұрып: «Білімді, еңбекқор, бастамашыл, белсенді болуға қазірден бастап дағдыланыңдар. Қазір техникалық мамандықтардың, ғылым мен инновацияның күні туған заман. Еліміздің болашағы — жастар. Мен жастарға сенемін!», — дейді [4].

Жолдаудағы жүктелген міндеттер, ең алдымен, жастарға жүктелген жауапкершілік екенін аңғарамыз. Президентіміздің айтуынша, мемлекеттік жастар саясатының негізгі мақсаты лайықты тұлға ретінде болашақ патриотты тәрбиелеу болып табылады.

Патриотизм — отбасына, туып-өскен ортасына, топырағы мен табиғатына, еліне деген құрметтен бастау алады. Өз ұлтын, жерін сүйіп, оның мұңын мұңдап, жоғын жоқтайтын адам ғана шынайы патриот бола алады.

Жалпы, патриотизмді ұлттың тілі, діні мен ділімен тығыз байланысып, астасып жатқан ұғым деп қарастырған дұрыс болар. Дәл бүгінгі шақта көтеріліп отырған маңызды мәселелер қатарында жастарды патриоттық сезімге баулып, өсіру өзекті саналады. Қазақстанның кез келген азаматын отансүйгіштік, патриоттық рухта тәрбиелеудің орны бұрын да бөлекше болған, бүгін де маңызын жойған емес. Кез келген елдің дамуы саналы азаматтар қатарының көбеюімен де байланысты.

Егемендігімізді іргелі ете түсуге бірге ат салысайық. Тәуелсіздігіміздің қадірін біліп, қастер тұтып, халқымыздың әл ауқатын жақсартуға, экономикасын ары қарай көтеруге, мемлекетіміздің өркендей беруіне, демократиялық және құқықтық мемлекет құру жолында аянбай еңбек етейік. Дүние жүзіндегі беделді мемлекеттердің бел ортасында болуға, өркениет жолында биік белестерді бағындыруға толық мүмкіндігіміз бар.

Туған Отанымыз — тәуелсіз Қазақстанның мерейі биік, мәртебесі үстем болсын!

РЕЗЮМЕ

Статья посвящена основным положениям Послания Президента Республики Казахстан «Казахстан в новой глобальной реальности: рост, реформы и развитие».

RESUME

The article is devoted to the message of the President of the Republic of Kazakhstan people «Kazakhstan in the new global reality: growth, reforms and development».

Пайдаланылған әдебиеттер тізімі:

1. <https://egemen.kz/2015/12/01/9123>
2. Жолдау жасампаз идеяларға толы // Қалқан 2015. 8 желтоқсан.
3. <http://kt.nis.edu.kz/kokshetau/portal/Default.aspx?tabid=282&language=kkKZ>
4. Қазақстан жаңа жаһандық нақты ахуалда: өсім, реформалар, даму // <http://www.astana-akshamy.kz/qazaqstan-zhanga-zhahandyq-naqty-ahualda-osu-reformalar-damu/>